

<b>CYNGOR SIR YNYS MÔN</b> <b><u>Templed Adroddiad Sgriwtini</u></b>	
<b>Pwyllgor:</b>	<b>Pwyllgor Sgriwtini Partneriaeth ac Adfywio</b>
<b>Dyddiad:</b>	6 Chwefror, 2024
<b>Pwnc:</b>	Panel Sgriwtini Addysg
<b>Pwrpas yr Adroddiad:</b>	Diweddariad ar gynnydd gwaith y Panel Sgriwtini Addysg
<b>Cadeirydd Sgriwtini:</b>	Cyng Dylan Rees
<b>Aelod(au) Portfolio:</b>	Cyng Dafydd Roberts, Deilydd Portfolio Addysg a'r Gymraeg
<b>Pennaeth Gwasanaeth:</b>	Marc Berw Hughes, Cyfarwyddwr Addysg, Sgiliau a Phobl Ifanc
<b>Awdur yr Adroddiad:</b>	Anwen Davies, Rheolwr Sgriwtini
<b>Rhif Ffôn:</b>	07971167198
<b>E-bost:</b>	<a href="mailto:AnwenDavies@ynysmon.llyw.cymru">AnwenDavies@ynysmon.llyw.cymru</a>
<b>Aelodau Lleol:</b>	Amherthnasol

### 1 – Argymhelliad/Argymhellion

Gofynnir i'r Pwyllgor Sgriwtini Partneriaeth ac Adfywio nodi'r:

**A1** Cynnydd dros y cyfnod diwethaf gyda gwaith y Panel Sgriwtini Addysg

### 2 – Cyswllt efo Cynllun y Cyngor / Blaenoriaethau Corfforaethol Eraill

Cyswllt uniongyrchol â Chynllun y Cyngor: 2023-2028.

Mae addysg yn un o'n 6 amcan strategol allweddol (Cynllun y Cyngor: 2023-2028) sef – sicrhau darpariaeth addysg effeithiol ar gyfer heddiw a chenedlaethau'r dyfodol. Ystyrir rôl allweddol gan yr Aelodau Etholedig wrth wireddu'r amcan hon drwy graffu a ddal i gyfrif.

Mae gwaith y Panel Sgriwtini Addysg yn cyfrannu at yr amcan yma.

### 3 – Egwyddorion fel canllaw ar gyfer Sgriwtini

**Er mwyn cynorthwyo Aelodau wrth graffu ar y pwnc:-**

**3.1** Yr effaith y mae'r eitem yn ei chael ar unigolion a chymunedau [ffocws ar y cwsmer/dinesydd]

**3.2** Edrych ar effeithlonrwydd ac effeithiolrwydd unrhyw newid arfaethedig – yn ariannol ac o ran ansawdd [ffocws ar werth]

**3.3** Edrych ar unrhyw risgiau [ffocws ar risg]

**3.4** Sgriwtini'n cymryd rôl rheoli perfformiad neu sicrhau ansawdd [ffocws ar berfformiad ac ansawdd]

**3.5** Edrych ar gynlluniau a chynigion o safbwynt:

- Hirdymor
- Atal
- Integreiddio
- Cydweithio
- Cynnwys

[ffocws ar lesiant]

**3.6** Effeithiau posibl y byddai'r penderfyniad hwn yn ei gael ar:

- y grwpiau a warchodir o dan Ddeddf Cydraddoldeb 2010
- y rhai sy'n profi anfantais economaidd-gymdeithasol yn eu bywydau (wrth wneud penderfyniadau strategol)
- y cyfleoedd i bobl ddefnyddio'r Gymraeg a pheidio â thrin y Gymraeg yn llai ffafriol na'r Saesneg

[ffocws ar gydraddoldeb a'r Gymraeg]

**4 - Cwestiynau Sgrwtini Allweddol**

Ar gais y Panel:

1. I ba raddau mae'r Pwyllgor Sgrwtini yn fodlon â chyfeiriad gwaith y Panel?
2. Pa awgrymiadau sydd gan y Pwyllgor i gryfhau ymhellach ar waith y Panel?
3. Pa feysydd eraill y mae angen i'r Panel eu craffu?

**5 – Cefndir / Cyd-destun****1. CYD-DESTUN**

1.1 Bydd Aelodau'n ymwybodol o gyfraniad y panelau sgrwtini at drefniadau llywodraethiant y Cyngor:

- Panel Sgrwtini Gwasanaethau Cymdeithasol
- Panel Sgrwtini Cyllid
- **Panel Sgrwtini Addysg.**

**1.2 Trefniadau Llywodraethiant y Panel**

Gwelwyd y Pwyllgor Sgrwtini<sup>1</sup> yn cadarnhau cylch gorchwyl y Panel mewn ffordd sy'n creu'r amodau ar gyfer cwmpas ehangach i'w waith gyda'r manteision allweddol canlynol:

- i. Datblygu model o graffu mewn Addysg sy'n canolbwyntio ar grŵp llai o Aelodau yn cydweithio ar themâu penodol er mwyn galluogi Aelodau i gymryd mwy o ran, datblygu lefel o arbenigedd pwnc ac annog presenoldeb da a gwaith tîm
- ii. Cryfhau gallu Aelodau i herio perfformiad ymhellach drwy wella ansawdd eu gwybodaeth gyffredinol a'u dealltwriaeth parthed data perfformiad ysgolion
- iii. Fforwm i drafod gwybodaeth am risgiau Gwasanaeth fel sail i flaen raglen waith y Pwyllgor Sgrwtini Partneriaeth ac Adfywio
- iv. Fforwm i ddatblygu grŵp o Aelodau gyda'r arbenigedd a pherchnogaeth i arwain trafodaethau ar faterion Addysg yn y Pwyllgor Sgrwtini Partneriaeth ac Adfywio.

Bydd yr Aelodau'n ymwybodol o'r trefniadau llywodraethu cadarn sydd mewn lle fel sylfaen i waith y Panel<sup>2</sup> a bwriedir parhau i gynnal cyfarfodydd misol o'r Panel i'r dyfodol. Hefyd, rhoddwyd trefniadau mewn lle i adrodd gynnydd yn rheolaidd i'r Pwyllgor Sgrwtini Partneriaeth ac Adfywio gan y Cyng. Gwilym Owen Jones, cadeirydd y Panel. Mae aelodaeth y Panel ynghlwm (**Atodiad 1**).

**2. FFOCWS GWAITH Y PANEL SGRWTINI ADDYSG**

Dyma drydydd adroddiad cynnydd y Panel Sgrwtini Addysg sy'n cwmpasu'r cyfnod Medi, 2023 – Ionawr, 2024.

Cynhaliwyd 4 cyfarfod o'r Panel<sup>3</sup> yn ystod y cyfnod hwn a rhoddwyd ystyriaeth i'r materion canlynol:

<sup>1</sup> Pwyllgor Sgrwtini Partneriaeth ac Adfywio, 21 Mehefin, 2022

<sup>2</sup> Cyfarfod o'r Pwyllgor Sgrwtini Partneriaeth ac Adfywio a gynhaliwyd ar 20 Ebrill a 27 Mehefin 2017

<sup>3</sup> Panel Sgrwtini Addysg a gynhaliwyd ar 05/09/23, 19/10/23, 23/11/23, 25/01/24

## 2.1 Model Cydweithio Integredig

Yng nghyfarfod mis Hydref<sup>4</sup>, cafwyd sesiwn ddatblygu ar ffurf gweithdy i drafod y cynnydd wnaed wrth ddatblygu model cydweithio integredig lleol ar gyfer Ynys Môn (Plant mewn Gofal) gan ffocysu ar yr agweddau canlynol:

- Amcanion allweddol yn sylfaen i'n trefniadau lleol → model integredig, Ysgol Rithiol, pwyslais ar lwyddiannau ac effaith
- Dull integredig yn ganolog – ymyrraeth gynnar, adnoddau, data a deilliannau, hyfforddiant, ehangu mesurau maes o law
- Dull ysgol gyfan yn cwmpasu llesiant dysgwyr, strategaethau wedi'u targedu a strategaethau ymatebol
- Ynys sy'n Wybodus o Drawma – meddylfryd dim drws anghywir; gweithio ar draws y Gwasanaeth Addysg a'r Gwasanaethau Plant a Theuluoedd; lens trawma; cefnogi dysgwyr ehangach.

### Allbynnau:

- i. Dealltwriaeth o oblygiadau a gofynion y model cydweithio integredig ar draws ffiniau dau Wasanaeth (Addysg / Plant a Theuluoedd)
- ii. Adnabod yr arferion da ar waith yn lleol

## 2.2 Llesiant / Iechyd Meddwl / Diogelu

Edrychwyd mewn manylder ar y fframwaith iechyd meddwl a llesiant (NYTH) a sut mae'r Gwasanaeth yn sicrhau bod plant a phobl ifanc Ynys Môn yn ddiogel<sup>5</sup>.

Nodwyd: prif amcan ydy sefydlu "system gyfan" i ddatblygu gwasanaethau iechyd a llesiant meddwl ar gyfer babanod, plant, pobl ifanc, rhieni, gofawyr a'u teuluoedd ehangach. Yr elfennau canlynol yn allweddol i'r fframwaith:

- rôl gan bawb i chwarae
- strwythur tîm yn ei le i gefnogi a datblygu cymunedau diogel a chefnogol
- arloesi drwy gyd-gynhyrchu'n elfen allweddol yn ein trefniadau
- dim drws anghywir.

Cyflwynwyd manylion astudiaeth achos arfer dda drwy lens un ysgol Uwchradd ar yr Ynys a hynny fel dull o arddangos egwyddorion y fframwaith ar waith.

### Allbynnau:

- i. Derbyn sicrwydd bod trefniadau cadarn mewn lle yn lleol i ddiogelu plant a phobl ifanc Ynys Môn drwy sicrhau "system gyfan" i ddatblygu gwasanaethau iechyd a llesiant meddwl
- ii. Tynnu sylw at yr arfer dda ar waith yn lleol
- iii. Dealltwriaeth o'r cynnydd lleol wrth wireddu ein hamcan o Ynys sy'n Wybodus o Drawma.

## 2.3 Anghenion Dysgu Ychwanegol a Chynhwysiad

Ym mis Ionawr<sup>6</sup>, derbyniodd y Panel adroddiad cynnydd cynhwysfawr ar y ffrydiau gwaith mewn lle i ymateb i anghenion y ddeddfwriaeth Anghenion Dysgu

<sup>4</sup> Cyfarfod o'r Panel Sgrïwtini Addysg a gynhaliwyd ar 19 Hydref, 2023

<sup>5</sup> Cyfarfod o'r Panel Sgrïwtini Addysg a gynhaliwyd ar 23 Tachwedd, 2023

<sup>6</sup> Cyfarfod o'r Panel Sgrïwtini Addysg a gynhaliwyd ar 25 Ionawr, 2024

Ychwanegol. Diweddariad hefyd ar y systemau a phrosesau Cynhwysiad ar waith ar draws yr Ynys.

**Allbynnau:**

- i. Derbyn sicrwydd ynghylch ymateb yr Awdurdod i ofynion y ddeddfwriaeth Anghenion Dysgu Ychwanegol
- ii. Derbyn y data diweddaraf ar bresenoldeb, gwaharddiadau a dad-gofrestru ysgolion yr Awdurdod a rôl y tîm arbenigol wrth gefnogi ysgolion unigol yr Ynys
- iii. Parhau i fonitro datblygiadau yn y meysydd anghenion dysgu ychwanegol a chynhwysiad.

**2.4 Ysgolion mewn Categori, Dilyniant Estyn neu'n Derbyn Cefnogaeth Ychwanegol**

Gwelwyd y Panel hefyd yn adolygu ysgolion y Sir mewn categori, dilyniant Estyn neu'n derbyn cefnogaeth ychwanegol yn rheolaidd dros y cyfnod diwethaf<sup>7</sup> a hynny er mwyn craffu ar y trefniadau gwella ar waith mewn ysgolion penodol.

**Allbynnau:**

- i. Derbyn y wybodaeth ddiweddaraf am safonau mewn ysgolion ar Ynys Môn
- ii. Derbyn sicrwydd bod mesurau gwella mewn lle a chefnogaeth briodol ar gael ar gyfer ysgolion sy'n peri consyrn
- iii. Trefniadau dal i gyfrif a chraffu cadarn yn sail i waith y Panel Sgrwtini Addysg.

**2.5 Rhaglen waith y Panel Sgrwtini am y cyfnod Mai 2023 → Ebrill, 2024**

Cafwyd adolygiad o'r blaen raglen waith ymhob cyfarfod o'r Panel gyda'r amcan o sicrhau rhaglen waith gadarn i gefnogi cyfraniad y Panel at drefniadau llywodraethiant y Cyngor. Nodwyd y byddai cyfarfod nesaf y Panel Sgrwtini<sup>8</sup> yn canolbwyntio ar y materion canlynol:

- i. Llais y Dysgwr - sut mae sicrhau llais y dysgwr ar draws yr Ynys. Astudiaethau achos lefel ysgol, clwstwr ac Awdurdod Lleol. Cyfle i drafod gyda phobl ifanc yr Ynys
- ii. Cwricwlwm i Gymru – mesur cynnydd lleol ar wireddu'r Cwricwlwm Newydd. Ffocws penodol ar y Sectorau Cynradd ac Uwchradd a datblygiadau yn y cyfnod pontio
- iii. Cysgodi gweithgareddau Addysg – diweddariad a derbyn adborth gan aelodau'r Panel
- iv. Blaen raglen waith – adolygiad.

**6. MATERION I'W UWCHGYFEIRIO I'R RHIANT BWYLLGOR EI YSTYRIED**

Dim mater i'w uwchgyfeirio gan y Panel.

<sup>7</sup> Cyfarfodydd o'r Panel Sgrwtini Addysg ar 19 Hydref, 2023 a 25 Ionawr, 2024

<sup>8</sup> Panel Sgrwtini Addysg, 22 Chwefror, 2024

<b>6 – Asesiad o'r Effaith ar Gydraddoldeb [gan gynnwys effeithiau ar yr Iaith Gymraeg]</b>
<b>6.1 Yr effeithiau posibl ar y grwpiau a warchodir o dan Ddeddf Cydraddoldeb 2010</b>
Ddim yn berthnasol
<b>6.2 Yr effeithiau posibl ar y rhai sy'n profi anfantais economaidd-gymdeithasol yn eu bywydau (penderfyniadau strategol)</b>
Ddim yn berthnasol
<b>6.3 Yr effeithiau posibl ar y cyfleoedd i bobl ddefnyddio'r Gymraeg a pheidio â thrin y Gymraeg yn llai ffafriol na'r Saesneg</b>
Ddim yn berthnasol
<b>7 – Goblygiadau Ariannol</b>
Ddim yn berthnasol

<b>8 – Atodiadau</b>
Aelodaeth y Panel Sgrwtini Addysg ( <b>Atodiad 1</b> )

<b>9 - Papurau Cefndir (cysylltwch ag awdur yr Adroddiad am unrhyw wybodaeth bellach os gwelwch yn dda):</b>
Anwen Davies, Rheolwr Sgrwtini, Cyngor Sir Ynys Môn, Swyddfeydd y Cyngor, Llangedfni. LL77 7TW

**Cyng. Gwilym Owen Jones**  
**Cadeirydd y Panel Sgrwtini Addysg**  
**Dyddiad: 25/01/2024**

**(diwyg. 29/01/2024)**

## AELODAETH Y PANEL SGRIWTINI ADDYSG

Aelod	Pwyllgor Sgriwtini
Cyng Gwilym Owen Jones (Cadair)	<b>Pwyllgor Sgriwtini Partneriaeth ac Adfywio</b>
Cyng Margaret M Roberts (Is-gadair)	
Cyng Non Dafydd	
Derek Owen	
Cyng Arfon Wyn	<b>Pwyllgor Sgriwtini Corfforaethol</b>
Cyng Dyfed Wyn Jones	
Cyng Alwen Watkin	
Cyng Keith Roberts	